

Registara vizito en Matanzas analizas efektivigon de strategiaj programoj

Image not found or type unknown



La kuba ĉefministro Manuel Marrero tra la stratoj de la urbo Matanzas. Foto. PL

Matanzas, jun 23 (RHK) La kuba ĉefministro Manuel Marrero daŭrigos ĉi-tage la registaran viziton al la okcidenta provinco Matanzas, koncentrita al la efektivigo de programoj por la ekonomia kaj socia disvolvigo de la teritorio kaj urba reorganizo.

La vojaĵo, ĉis morgaŭ, inkluzivas interŝanĝojn kun aŭtoritatoj kaj loĝantoj de la teritorio por taksii la progreso-strategion je loka nivelo kaj la naturajn potencialojn por la promocio de turismo.

Antaŭtage, la turneo ekis tra la municipo Marĉo de Zapata, en la suda marborda areo de Matanzas, kie la registarestro insistis pri la graveco de la kunlaboro de homoj en konservado-agoj, por konservi ordon kaj la bildon de la loko.

Li emfazis, ke la teritorio havas la naturon kiel grandan allogaĵon, por kiu "konstruaj agoj devas esti efektivigitaj laŭ la reguloj por la protektado de ĉi tiu heredaĵo, en ekologia kaj daŭrigebla maniero", laŭ la oficiala tvitera konto de la Prezidenteco.

En interŝanĝo kun la loka Administra Konsilantaro, Marrero interesiĝis ankaŭ pri la situacio de patrinoj kun tri aŭ pli da infanoj, la kapabloj de infanvartejoj, la distraj elektoj, la gastronomiaj ofertoj kaj la atento al la tiel nomata (por kamparaj kaj montaj zonoj) Plano Turquino.

Tio havas la celon atingi integran evoluon de montaj kaj malfacile alireblaj areoj.

La tagordo ankaŭ inkludis turneojn ĉe strandoj situantaj en la municipo, kaj la aŭtoritatoj emfazis la bezonon alfronti urbajn kontraŭleĝecojn.

Matanzas, la dua provinco laŭ etendo en la lando (post la centra Camagüey), havas la feriejon de Varadero en la nordo, ege grava por nacia turisma evoluo.

Fonto: PL

<https://www.radiohc.cu/index.php/eo/noticias/nacionales/291511-registara-vizito-en-matanzas-analisis-efektivigon-de-strategiaj-programoj>



Radio Habana Cuba